

華洋臟象約纂卷下

汪柳門先生

督學使者

鑒定

徐花農先生

南海朱沛文少廉甫

一字紹溪編輯

胞兄成文碧溪甫

胞弟熙文耀溪甫

同參

同校

堂兄謙遜宛溪甫

胞姪汝芹泮卿甫

血脈運行說

釋名云。血濺也。出於肉而流濺濺也。脈幕也。幕絡一身也。蒙按血活也。人賴以全活也。脈拍也。言拍拍而動也。

經云。血者、水穀之精也。中焦受氣。取汁變化而赤。是謂
血。詳見三焦脈者、血之府也。壅遏營氣。令無所避。是謂
脈。腑體用說

血液

劉宗厚云。血生化於脾。總統於心。藏受於肝。宣化於肺。
施泄於腎。灌溉一身。目得之而能視。耳得之而能聽。手
得之而能握。掌得之而能攝。足得之而能步。臟得之而
能液。腑得之而能傳。注之於脈。少則澀。充則實。是故血
盛則形盛。血弱則形衰矣。

洋醫云。凡食物精液。由吸管詳見小腸。遞運至頸。入會

腑體用說。

管。與迴血管。達心右房。混然滾和。乃由右房過肺。化爲

赤血。返心左房。運養身體。西醫以顯微鏡顯之。見血內

有二物。一爲明汁。一爲粒子。粒子者。其形圓扁如輪。中

空而赤。內儲紅液。浮游於明汁之中。名曰血輪。精壯之

人。血輪多。故血色濃而赤。虛弱者。血輪少。故血色淡而

稀。譬如以千分計之。壯者血輪得一百四十分。明汁得

八百六十分。人漸弱。血輪漸少。弱之甚者。血輪只得二

三十分。餘皆明汁耳。凡明汁之內。又有數物。一爲蛋青。

以火煮熟。色如蛋白。故云。

一爲肉絲。一爲肥脂。一爲鹵物。一爲鐵鏽。比如明汁百分。大約蛋青得七八十分。肉絲得三四分。肥脂得二三分。鹵物六七分。鐵鏽約一分之間。皆能用法取出。確鑿有據。凡血在管中。運匯流行。不結不實。若離管以出。則漸凝結。而分一爲實紅。一爲黃水。是也。如儲血一杯。以竿攪之。肉絲凝聚。粘連如帶。取出放於玻璃片上。以鏡顯之。見肉絲纏結血輪。仿如網眼。或欲觀血輪走動。可取一大蛤。撐其足膜。窺以顯鏡。便見無限血輪。隨明汁流走於微絲管內。管徑寬者。卽有二三血

輪并行而過。管徑狹者，便見血輪束長而過，迤邐紛紛，彷彿支江流水泛春花也。

十二經脈奇經八脈十六大絡孫絡

經云：穀入於胃，脈道乃行，水入於經，其血乃成。營者水

穀之精氣也，和調於六腑，灑陳於五臟，乃能入於脈也。

故循經上下貫五臟經六腑也。按人之血流行於經絡之中，循環不絕，經脈滿

則注於絡脈，絡脈滿則注於孫絡，又有奇經八脈者，由經脈而別注者也。人若血少，則經絡不能充實，并不能

別注於奇經八脈矣。茲將十二經脈奇經八脈十六絡脈孫絡縷述於後。肺手太陰之脈起

於中焦，下絡大腸，還循胃口，上膈屬肺，從肺系橫出腋

下。下循臑內。行少陰心主之前。下肘中。循臂內。上骨下廉。入寸口。上魚。循魚際。出大指之端。其支者。從腕後直出。次指內廉。出其端。大腸手陽明之脈。起於大指次指之端。循指上廉。出合谷兩骨之間。上入兩筋之中。循臂上廉。入肘外廉。上臑外前廉。上肩出髑骨之前。廉上出於柱骨之會。上下入缺盆。絡肺下膈。屬大腸。其支者。從缺盆上頸貫頰。入下齒中。還出挾口。交人中。左之右。右之左。上挾鼻孔。胃足陽明之脈。起於鼻之交頰中。旁納太陽之脈。下循鼻外。入上齒中。還出挾口。環唇。下交承。

漿却循頤後下廉出大迎。穴在曲頤前一寸三分骨陷中動脈。循頰車上

耳前過客主人。穴在耳前起骨上廉開口有空。循髮際至額顙其支者

從大迎前下人迎。穴在頤下夾結喉旁一寸五分大動脈應手。循喉嚨入缺

盆下膈屬胃絡脾其直者從缺盆下乳內廉下挾臍入

氣街。穴在歸來下鼠竅上一寸動脈應手街一作衝。中其支者起於胃口下循

腹裏下至氣街中而合以下髀關抵伏兔下膝臚中下

循脛外廉下足跗入中指內間其支者下廉三寸而別

下入中指外間其支者別跗上入大指間出其端脾足

太陰之脈起於大指之端循指內側白肉際過核骨後

上內踝前廉。上臑內。循脛骨後。交出厥陰之前。上膝股
 內前廉。入腹屬脾絡胃。上膈挾咽。連舌本。散舌下。其支
 者。復從胃別上膈。注心中。心手少陰之脈。起於心中。出
 屬心系。下膈屬小腸。其支者。從心系上挾咽。繫目系。其
 直者。復從心系。却上肺。下出腋。下循臑內後廉。行太
 陰。心主之後。下肘內。循臂內後廉。抵掌後銳骨之端。入
 掌內後廉。循小指之內。出其端。小腸手少陽之脈。起於
 小指之端。循手外五五前出踝中。直上循臂骨下廉。出
 肘內側兩筋之間。上循臑外後廉。出肩解。繞肩胛。交肩

上入缺盆。絡心循咽。下膈抵胃。屬小腸。其支者從缺盆
循頸上頰。至目銳眦。却入耳中。其支者別頰上頤。抵鼻
至目內眦。斜絡於顴。膀胱足太陽之脈。起於目內眦。上
額交巔。其支者從巔上至耳角。其直者從巔入絡腦。還
出別下項。循肩髃內。挾脊抵腰中。入循脊。絡腎屬膀胱。
其支者從腰中下挾脊。貫臀入臍中。其支者從髀內左
右。別下貫胛。挾脊內過髀樞。循髀外。從後廉下合臍中。
以下貫腓內。出外踝之後。循京骨至小指外側。腎足少
陰之脈。起於小指之下。邪走足心。出於然谷。穴在足內
踝前起大

骨下陷者中。之下循內踝之後別入跟中。以上踰內出膈內廉。上股內後廉。貫脊屬腎。絡膀胱。其直者從腎上貫肝膈入肺中。循喉嚨挾舌本。其支者從肺出絡心。注胸中。心主手厥陰。心包絡之脈起於胸中。出屬心包絡。下膈。歷絡三焦。其支者從胸出脇。下腋三寸。上抵腋。下循臑內行。太陰少陰之間入肘中。下臂行兩筋之間入掌中。循中指指出其端。其支者別掌中。循小指次指指出其端。三焦手少陽之脈起於小指次指之端。上出兩指之間。循手表腕。出臂外兩骨之間。上貫肘。循臑外上肩而交出。

足少陽之後入缺盆。布臚中。散絡心包。下膈。循屬三焦。其支者從臚中上出缺盆。上項繫耳後。直上出耳上角。以屈下頰至頤。其支者從耳後入耳中。出走耳前。過客主人前。交頰。至目銳眦。膽足少陽之脈。起於目銳眦。上抵頭角。下耳後。循頸行。手少陽之前。至肩上。却交出手少陽之後。入缺盆。其支者從耳後入耳中。出走耳前。至目銳眦後。其支者別目銳眦。下大迎。合於手少陽。抵於頤。下加頰。車下頸。合缺盆。以下胸中。貫膈。絡肝。屬膽。循脇裏。出氣街。繞毛際。橫入髀厭中。其直者從缺盆下腋。循

脈過季脇下合髀厭中以下循髀陽出膝外廉下外輔
骨之前直下抵絕骨之端下出外踝之前循足跗上入
小指次指之間其支者別跗上入大指之間循大指歧
骨內出其端還貫爪甲出三毛肝足厥陰之脈起於大
指叢毛之際上循足跗上廉去內踝一寸上踝八寸交
出太陰之後上膈內廉循股陰入毛中過陰器抵少腹
挾胃屬肝絡膽上貫膈布脇肋循喉嚨之後上入頰頰
連目系上出額與督脈會於巔其支者從目系下頰裏
環脣內其支者復從肝別貫膈上注肺以上十經脈難經云

其奇經入脈者。不拘於十二經。比於聖人圖設溝渠溝

渠滿溢。流於江湖。故人脈隆盛。入於八脈也。督脈者起

於下極之俞。長強穴也。在脊胝骨端。并於脊裏。上至風府。穴在項上入髮際一寸大筋

內宛宛中。入屬於腦。上巔。循額至鼻柱。按俗本無此八字。古本則

有任脈者起於中極之下。中極穴在臍下四寸。中極之下。曲骨穴也。在橫骨上。中極

下一寸。毛際陷中動脈。以上毛際循腹裏上關元。穴在臍下三寸。即丹田也。至

咽喉上頤。循面入目。難經無此六字。內經則有之。衝脈者起於氣衝。

穴在毛際兩旁鼠竅上一寸。即氣衝是也。并足陽明。內經作并少陰。之經挾臍上行

至胸中而散也。內經無也字。帶脈者起於季脇。迴身一周。陽

躄脈者起於跟中循外踝上行入風池

穴在耳後陷中後髮際大筋外

廉陰躄脈者亦起於跟中循內踝上行至咽喉交貫衝

脈陽維陰維者維絡於身溢畜不能環流灌漑諸經者

也故陽維起於諸陽會陰維起於諸陰交也

以上奇經八脈經

云願聞脈度曰手之六陽

左右三陽合算故曰六陽下文六陰倣此從手至

頭長五尺五六三丈手之六陰從手至胸中三尺五寸

六三一丈八尺六五三尺合二丈一尺足之六陽從足

上至頭八尺六八四丈八尺足之六陰從足至胸中六

尺五寸六六三丈六尺六五三尺合三丈九尺躄脈

此係

陰躄從足至目七尺五寸二七一丈四尺二五一尺合一

丈五尺督脈任脈各四尺五寸二四八尺二五一尺合

九尺十二經脈俱以其直者計其支者其別者切不計

無度且此四脈衝脈不入脈度計陽躄帶脈陰維陽維四者皆凡都合一十六丈二尺上文統經云手

太陰之別名曰列缺穴在腕後側起於腕上分間并太

陰之經直入掌中散入於魚際手少陰之別名曰通里

穴在腕側後去腕一寸別而上行循經入於心中繫舌

本屬目系手心主之別名曰內關穴在掌後去腕二寸

去腕二寸出於兩筋之間循經以上繫於心包絡心系

手太陽之別名曰支正。穴在腕外後廉五寸。上腕五寸內注少陰。

其別者上走肘絡肩髃手陽明之別名曰偏歷。穴在手腕後三寸。

去腕三寸別入太陰其別者上循臂乘肩髃上曲頰

偏齒其別者入耳合於宗脈手少陽之別名曰外關。穴在

腕後二寸兩筋間陷中。去腕二寸外達臂注胸中合心主足太陽

之別名曰飛陽。穴在足外踝上七寸後陷中。去踝七寸別走少陰足

少陽之別名曰光明。穴在外踝上五寸。去踝五寸別走厥陰下

絡足跗足陽明之別名曰豐隆。穴在外踝上八寸下廉胫骨外廉陷中。去

踝八寸別走太陰其別者循脛骨外廉上絡頭項合諸